

## 'HIRE HIMALAYA' BIDEO ETA DIAPOSITIBA EMANALDIA BIHAR BITERIN ALBERTO IÑURRATEGIREN ESKUTIK

### "Anaiaren oroitzapena eta mendiari buruzko nere gogoetak biltzen ditu emanaldiak"

■ Diapositiba eta bideo irudiak biltzen ditu emanaldiak, Koldo Izagirreraren testua eta Alberto Iñurrategiren ahotsarekin ■ Hernanikoa azkenurreko proiektioa du Albertok lan honekin ■ Bihar, Biterin, 20:00etan.

ALBERTO Iñurrategi mendizale atxabaltarrak diapositiba eta bideo emanaldia emango du, bihar, Biteri kultur etxean. Proiektioak *Hire Himalaya* dauka izena, eta Alberto Iñurrategiren mendiari buruzko gogoetak eta Felix anaiari buruzko oroitzapenak kontatzen ditu. Testua Koldo Izagirrerena da baina, ahotsa Albertok berak jarriko dio.


#### 10 urteko gogoetak

*Hire Himalaya* lana, gogoeta lan bat bezala definitzen du Albertok. Kronikari jakin arazi dionez, mendian bizituaren gogoeta eta anaiarekin bizituaren gogoeta agertzen dira emanaldian. "Himalaya-ko erreparu arina egiten dut, baina, gehienbat Felixen istripua eta geroko gogoetak kontatu nahi ditut, eta anaiak eta biok mendia bizitzeko geneukan estiloa azaldu".

Emanaldiak irudiak, musika eta hitza dauzka. Irudi batzuk pelikula moduan eta beste batzuk diapositiba moduan proiektatuko dira, eta kontakizuna, Albertok berak egingo du, baina, Koldo Izagirreraren testuarekin.

#### Abenduan presentatu

*Hire Himalaya* lanak, ikusentzunez gain, liburua ere biltzen du (biak Koldo Izagirreraren testua daukate). Lanaren aurkezpena abenduan egin zen Bilbon eta orduetik herri askotan izan da Alberto emanaldi honekin. Kronikari jakin arazi dionez, gustora dago emanaldiak



Alberto Iñurrategi da 14 'zortzimilakoak' igo dituen mendizale gazteena.

jendearengan izan duen eraginarekin.

Gehienak hunkituta ateratzen dira proiektioetik, Albertoren esanetan. Hori, gehienbat, sentipen gogorrak kontatzen direlako izango dela dio atxabaltarrak: "proiektioa mendian oinarritua izanagatik, ez du mendiaz bakarrik hitz egiten. Horregatik uste dut edonork ulertu leza keela. Ez dago mendizale porrokatua izan beharrik".

#### Proiektu berririk ez

Hernaniko proiektioa azken aurrekoa izango da eta azke-

na, Ordizian emango du 14 zortzimilakoak igo dituen atxabaltarrak. Aurrera begirako planei buruz galdetuta, Albertok proiektu jakinik ez duela komentatu dio Kronikari: "emanaldi hau bukatzen ari naiz oraindik. Gero ikusiko dugu zer egin baina, oraingoz, eskalada pixkat egin eta etxe inguruan ibiltzeko asmoa daukat".

#### Biteri kultur etxean

*Hire Himalaya* bideo eta diapositiba emanaldia, bihar da, arratsaldeko 20:00etan, Biteri kultur etxean.

Alberto Iñurrategi da 8.000 metrotik gorako 14 mendiak igo dituen mendizale gazteena. 33 urte zituenerako igoak zituen 14ak Albertok, eta gazteena izateaz gain, 14 zortzimilakoak igo dituzten 10 mendizaleetako bat da.

-1991an: Makalu (8.463 m)  
-1992an: Everest (8.848 m)  
-1994an: K2 (8.611 m)  
-1995ean: Cho Oyu (8.201 m)  
Lhotse (8.516 m)  
-1996an: Kangchenjunga (8.586 m)  
Shisha Pangma (8.046 m)  
-1997an: Broad Peak (8.047 m)  
-1998an: Dhaulagiri (8.167 m)  
-1999an: Nanga Parbat (8.125 m)  
-2000an: Manaslu (8.163 m) eta Gasherbrum 2 (8.035 m)  
-2001ean: Gasherbrum 1 (8.068 m)  
-2002an: Annapurna (8.091 m)

## Kiroldegiko taberna subastan dago

KIROLDEGIKO taberna subastan dago joan den osteguna ezkerro. Aurreko jabeek utzi zutenetik bi hilabete pasa dira, eta beharrezko tramiteak egin eta gero, atzo atera zuten subastara kiroldegiko arduradunek.

Taberna hartzeko interesa daukatenek maiatzaren 6a bitarte daukate aukera paperak presentatzeko. Eskatzen diren baldintza nagusiak honakoak dira: taberna hartzen duenak gutxienez urte baterako hartu beharko du; urtero 150 euroko hamar kuota ordaindu beharko ditu; eta utzi beharreko fidantza 6.000 eurokoa da.

Paperak presentatzeko edo informazioa eskuratzeko, kiroldegiko bulegoetatik pasa, astelehentetik ostiralera, goizetan. □

## ■ ERRUGBIA

### Kadeteak Euskadiko txapelkun, 18-12 irabazita

ERRUGBI taldeko kadeteak Euskadiko txapelkun dira, atzo finala 18-12 irabazi eta gero. Finala Atletiko San Sebastian taldearen kontra jokatu zuten eta nahiz eta hasieran galtzen joan, partiduari buelta eman eta emaitzari eustea lortu zuten. Estatuko txapelketa 3 aste barru jokatu behar dute. □

## ODOL EMAILEAK

### Omenaldia gaur Hernanin

GIPUZKOAKO odol emaile elkar- teak 103 odol emaile omenduko ditu gaur Hernanin. Omenaldia bazkalondan izango da Etxeberria sagardotegian. □


## ELORRABIKO ISTRIPUAREN 25 URTEURRENA

### Bilera gaur

AURTEN betetzen dira 25 urte Elorrabini zubia erori eta 6 lagun hil zirela. Haien aldeko omenaldia prestatzeko, bilera deitu dute gaur, 10:00etan Ibarluzen. □

www.kronika.net  
HERNANIKO  
**kronika**  
Intemeten helbide berrian

**Allianz**   
ASEGURUAK  
Agustin Ezponda  
AGENTZIA  
Telf.: 943 557 326  
656 735 109

**IKASTAROA  
LANGABETUENTZAT**  
INGLESA: Publikoari atentzioa  
-INEMek subentzionatua-  
**209 ordu**  
**Ordutegia:** 9:00 -13:30  
astelehentetik ostiraletara  
**Hasiera:** maiatzak 9  
**Bukaera:** uztailak 15  
Oindi kalea 1  
HERNANI  
943 333711  
943 334227  
 **urolalde**

**Eguzki perfumeria**  
  
**Eguzki perfumeria**  
Cure dendan, behar dezuna daukagu.  
► Perfumeria  
► Opariak  
► Edertze gela  
► Solariuma  
► Ileapaindegia  
Kale Nagusia 45, Tel.: 943 557333

 **IPARRA**  
**SUKALDEAK**  
Zikuñaga, 61 - lokala zbk. 7  
Ibarluze poligonoa  
Tel.: 943 55 67 60  
Fax: 943 33 19 75  
20120 Hernani



Junta zaharreko eta berriko kideak, tartean Ongintza patronatuko burua dutela.

## Jubilatuak junta aldaketako bazkaria izan zuten

■ Bazkarian junta zaharreko eta junta berriko kideak izan ziren eta gonbidatuen artean, Ongintza patronatuko burua, elkarteko kolaboratzaileak eta karta jokuetako sarituak.

JUBILATUEN etxean junta aldaketa bazkaria izan zuten atzo eta 30 lagun inguru bildu ziren bertan. Oraintxe gutxi aldatu da junta Jubilatuetan, eta junta aldaketa gertatzen den guztietan bezala, bazkaria egin zuten junta zaharreko eskerrak eman eta berriari ongi etorri ofiziala egiteko. Bazkaritan izan ziren junta

zaharreko kideak eta junta berrikoak (tartean, Manolo Fernandez lehendakari berria).

Bazkalondoan Florian Martinek (aurreko lehendakaria), Manolo Fernandezek (lehendakari berria) eta Gonbidatuen artean zen Imanol Beroitz Ongintza patronatuko buruak hitz egin zuten. Denek balorazio ona egin zuten aurreko

juntarena eta berria animatu zuten bere lanari gogoz ekiteko.

### Karta saribanaketa

Jubilatuak etxeko karta-joku txapelketak bukatu berri dira eta saribanaketa egitea gelditzen da. Saribanaketa maiatzaren lehen egina da Jubilatuetxean bertan. □

## PELOTA - KRONIKA TXAPELKETA

### Emaitzak konfirmatzeko

KRONIKA eskupelota txapelketako lehenengo fasea bukatuta dago baina, oraindik konfirmatzeko emaitza batzuk gelditzen dira. Emaitzak Kronikara deituta eman behar dira maiatzaren 11rako. Partiduren bateko emaitza falta bada, bi bikoteei 0 puntu jarriko zaizkie. □

### 54ko kintoek bazkaria dute datorren igandean

HERNANIKO 54ko kintoek (aurten 70 urte betetzen dituztenek) urteroko kinto bazkaria dute datorren igandean, maiatzak 3, Txantxangorri elkartean. Bazkarira apuntatzeko bi telefono hauetara deitu daitezke: 943-552961 (J.M<sup>a</sup> Arizkorreta) edo 943-551985 (J. Agustin Arrieta). □

## FUTBOLA - GORENGO MAILA

### Hernanik errukirik gabe egurtu zuen Gure Txokoa: 9-1

GORENGO taldeak hiru puntu garrantzitsu lortu zituen atzo, Berako Gure Txokoa taldeari 9-1 irabazita. Hernaniarrek ez zuten kontrariorik aurkitu aurrean, eta aukera aprobetxatuta, 9 gol egin zizkien beratarrei. Orain Hernani hobeto dago sailkapenean, ia maila galtzeko arriskurik gabe, eta denboraldia bukatzeko 5 partidurik besterik gelditzen ez direla. □



Hernaniko mutilak zortzigarren gola sartuta.

**JOMERIKI**  
EDARITEGIA  
Kale Nagusia, 7  
☎ 55 00 32  
HERNANI

## XIX MUS TXAPELKETA ARALAR TABERNA



### ERREPESKAKO PARTIDAK

#### Apirilak 28, Astelehena

Joxe - Axier / Joxe - Gerardo  
Aitor - Peli / Juan Mari - Joxe Mari  
Zulaika - Uria / Kolonbo - Txema  
Niko - Paste / Josetxo - Pablo

#### Apirilak 29, Asteartea

Olano - Txema / Kano - Aitor  
Intxaur.- Intxaur. / Ramon- Esteban  
Gainza - Perren / Koldo - Axier  
Koldo - Pablo / Egaña - Txiribi  
Josu - Gorka / Gorka - German

#### Maiatzak 5, Astelehena

Xarpa - Mitxelena / Iñaki - Loren  
Koldo - Txuria / Javi - Txomin  
Jeri - Amancio / Kaki - Txals  
Ekaitz - Iker / Pitxurra - Salba

Libre: Andoni - Juanma



Bi ikasle parkeak zaintzeko dioten paperak banatzen.

## Ikasleak herriko parkeak zaintzen

■ Ikastetxeetako 5garren mailako ikasleak ibili dira Hernaniko jardinetan gomendioak banatzen.

HERNANIKO Udaleko ingurugiro departamenduak parkeak zaintzeko *Hi! Hernani eta ingurumena* ekimena sortu du Hernaniko ikastetxeekin. Herriko parke eta jardinetan paper batzuk banatu dizkiete ikasleek jendeari parkeak txukun edukitzeaz kontzientziatzeko. Hiru puntu nabarmentzen ditu banatutako idatziak:

1) Parkeetan ez zaigu txakur kakekin jolastea gustatzen. Mesedez txakurra baduzu bere hondakinak jaso itzazu.

2) Landare eta loreak gure kaleak alaitzen dituzte, zain itzazu.

3) Zakarrontziak erabili, ez bota zakarririk lurrera. Jendeak beste gomendioaren bat eman nahi izanez gero tokia uzten du paperak eta Udaletxean utzi behar da gero, horretarako jarritako buzoian. Jasotako paper guztiekin zoz-

keta egitekoa dute Udaletxean datorren asteartean, 12:30etan. Hernaniko 3 lorategietan gatzatzeko 60 euroko bonoak zozketatuko dituzte. Ikasleen artean, berriz, 20 kamixeta zozketatuko dira.

### 80 bat ikasle

Parke eta jardinak zaintzeko ekimena ez da orain hasi. Hernaniko ikasleek loreak aldatuak dituzte ikasturtean zehar eta kartelak ere jarri dituzte, jardinak zaintzea eskatzeko. Azkeneko ekintza hau 5garren mailako ikasleekin egin dute, ikastorduz kanpo. Ikasle horiek Landaretza gaia landu dute ikasturtean zehar. Antolatzaileak oso gustora daude erantzunarekin, maila horretan dauden 150 ikasleetatik 80-k hartu baitute parte. □

## ZINEA BITERIN

### Sesio bakarra gaur

*GANGSTER en New York* pelikula botako dute gaur, Biterin kultur etxean. Sesio bakarra izango da, 19:30etan. □

## OIALUMEN DANTZALDIA

### 'Disco Top', gaur

OIALUME biltokian Disko Festa izango da gaur, *Disco Top*, emanaldiarekin. Arratsaldeko 19:30etan. □

## I. URTEBETETZEA

### Amparo Gorrotxategi Miranda

-Joakin Pagolaren alarguna-

2002ko apirilaren 17an hil zen

Amparoren senitartekoei, ezagutu zenuten guztioi gonbidapena luzatzen dizuegu, bere heriotzaren lehenengo urteurrean eskainiko diogun mezara etor zaitezten.

Oroigarri meza **gaur, igandea, apirilak 27**, goizeko 11:00etan, Hernaniko San Joan Bataiatzailearen parrokian.

Hernanin 2003ko apirilaren 27an.

## ZERBITZUAK

### ☎ TELEFONOAK

▶ Taxiak: 943 550093  
▶ Udaltzaingoa: 943 333288  
▶ DYA: 943 464622  
▶ Autobusak: 943 556662  
▶ Anbulatorioa: 943 006666  
▶ Jokalari anonimoak: 943 331103

### ✚ FARMAZIAK

▶ Egunez: Aizpuru  
Latxunbe Berri 11  
☎ 943 336077  
▶ Gauz: Zatarain  
Andoain. Arteta z/g  
☎ 943 290802

## IRAGARKI MERKEAK

Esperientzia duen pelukerak Hernani inguruan lan egingo luke. Deitu: **637 09 83 24**

Martxan dagoen Pub bat traspasatzen da Kardaberaz kalean. Deitu: **943 55 06 18**

18-28 urte bitarteko mutil euskalduna behar dugu Hernaniko taberna batean lan egiteko. Interesatuek deitu: **943 55 26 46 - 658 750 896**

Arotz profesionalak etxeko lan txikiak egingo lituzke Hernani inguruan. Behar badezu deitu: **656 78 64 15 (Kepa)**